



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Romæ, M. DCC. XIX.**

Casus I. Argumentum. Imposito à Fundatore Cappellaniæ oneri Cappellano  
unius Missæ quotidianæ in perpetuum durante sæculo, an hujusmodi onus  
duret ultra spatium centum annorum, vel potius transacto ...

---

[urn:nbn:de:hbz:466:1-72172](#)

## COMENTARIUM.

**E**X hoc Canone sequentes deducuntur conclusiones.

Prima = PATRONUS NON POTEST SE INGERERE IN IIS, QUÆ AD SACRAMENTÓRUM ADMINISTRATIONEM SPÉCTANT, NEC SE IMMISCERE IN VISITATIONE ORNAMENTÓRUM ECCLESIAE, NEC IN PROVENTIBUS BONORUM, ET FABRICARUM EJUSDEM, NIŠ ID SIBI RESERVATUM FUERIT IN LIMINE FUNDATIONIS =

Secunda = POTEST PATRONUS IN LIMINE FUNDATIONIS BENEFICIÍ APPONERE CONDITIONES SIBI BENEVI-  
SAS = Utramque conclusionem probant omnes Auctoritates superiùs relatae Par. II.  
Can. XXVII. in Commentario, quibus addo Barbos. hic num. 45. Trass. de Patron. Reg.  
tom. 1. cap. 8. num. 38. cap. 31. num. 15. tom. 2. cap. 61. nu. 15. & 18. Capon. discept. 273.  
num. 9. tom. 4

1 Non contenti sapientissimi Patres inhibere Patronis superiùs Can. V. usurpationem, &  
alienationem juriū, bonorum, & fructuum Ecclesiæ Patronalis, prohibuerunt etiam  
eisdem hīc se ingerere in administratione Sacramentorum, proventuum, bonorum, &  
fabricarum ejusdem Ecclesiæ, ac se immiscere in visitatione ornementorum illius, niſi  
in limine fundationis fuisset id de consensu legitimi Superioris eis reservatum, & tota  
cura visitandi Ecclesiam, & ejus ornamenta, ac distribuendi, & applicandi redditus  
Ecclesiæ Patronatæ, & Fabricæ commissa fuit arbitrio, & dispositioni Episcopi Fagnan.  
in cap. Conquerente de offic. Ordin. nu. 34. Capon. discept. 1. num. 38. & discept. 56. nu. 3.  
Ventrigl. in prax. par. 2. annot. 24. nu. 1. & seqq. Barbos. hic nu. 45. vers. Et Fabricarum  
redditus.

Ultra Casus utramque conclusionem concernentes supra examinatos dicta Par. II. Ca-  
non. XXVII. & hīc Can. V. nonnullos alios in præsenti Canone subjicio ad secundam con-  
clusionem spectantes.

## ARGUMENTUM.

Imposito à Fundatore Cappellaniæ  
onere Cappellano unius Missæ  
quotidianæ in perpetuum duran-  
te sāculo, an hujusmodi onus du-  
ret ultra spatiū centum anno-  
rum, vel potiū transactō dicto  
termino, remanserit extinctum.

- 1 Vox Sæculum est apta nata non solum ad exprimendum spatiū centum annorum, sed etiam ad denotandum mundum, ut num. 4.
- 2 Legatum pium relictum cum verbis perpe-  
titatem denotantibus, ad centum annos restringitur.
- 3 Imposito onere celebrandi Missam in perpe-  
tuum durante sāculo illud dicitur dura-  
re ultra spatiū centum annorum, non  
verò hoc termino transactō remansisse ex-  
tinguitum.

## CASUS I.

**Q**uartuor Casus hīc expono in S. Congregatione Concilii propositos, me  
studiente apud R. P. D. Lambertinum meritiſſimum ejusdem S. Congregationis Se-  
cretarium, ex cuius verbis, & dictis in-  
frascripta accipies, & legere etiam pote-  
ris in Foliis impressis, & per ipsum doctiſſi-  
mè de more extensis, quæ Eminentissi-  
mis Patribus ejusdem S. Congregationis  
solent distribui.

Primus est: Quidam Testator fundavit  
Cappellaniam in Ecclesia A, & in limine  
fundationis injunxit Cappellano onus di-  
cendi, & celebrandi in dicta Ecclesia pro  
sua, suorumque Animabus, singulis die-  
bus in perpetuum, durante sāculo, unam  
Missam planam; & semel in anno in die  
ejus obitus, seu alia immediate sequenti,  
si causa intervenerit legitima, propter  
quam differri habeat; unam Missam so-  
lemnem mortuorum in cantu cum suis re-  
sponsoriis, & Officium Mortuorum; dictus  
Testator voluit, & mandavit debere dici,  
& cele-

& celebrari, ac fieri singulis annis in perpetuum, donec cœlum, & terra durabunt.

Quoad pérpetuam celebrationem Missæ solemnis, & Anniversarii, nulla est difficultas; sola disputatio reducitur ad Missam planam singulis diebus recitandam, de hac enim quæritur, an ejus onus durare debeat ultra sæculum, hoc est ultra metam centum annorum, vel potius elapsis centum annis, cessare debuerit.

Plura suadent onus Missæ planæ non se extendere ultra metam centum annorum, tum quia quando vox *Sæculum* usurpatur ad denotandum tempus, & mensuram temporis, spatum significat tantummodo centum annorum, tum quia non defunt magni nominis Auctores, qui censem legatum pium relictum cum verbis perpetuitatem denotantibus ad centum annos restringi, ut latè videri potest apud *Vivium* *decis. lib. 3. decis. 406. nu. 18. & 19.* & tandem quia quando Testator voluit perpetuitatem absolutam, & indefinitam, eam expressit verbis clarissimis, uti colligitur ex legato Missæ solemnis, & Anniversarii singulis annis in perpetuum donec cœlum, & terra durabunt; Hinc inferre licet, quod quando in legato Missæ planæ singulis diebus celebrandæ, usus est illis verbis *in perpetuum durante sæculo*, intellexit de perpetuitate limitata ad tempus centum annorum, multoque magis cum verba illa *durante sæculo*, non præcedant, sed subsequantur hæc alia *in perpetuum*, in hoc quippe rerum statu verba priora *in perpetuum* restringuntur in sequentibus *durante sæculo*.

His tamen non obstantibus placuit Sacrae Congregationi Concilii in una Bononiensi. 17. Decembri 1718. ubi similis causus disputabatur, definire dictum onus Missæ planæ durare ultra spatum centum annorum, non verò dicto termino transacto, remansisse extinctum; Quia, quando agitur de legato pio, & signanter de legato Missarum verba *in perpetuum* non restringuntur ad centum annos, sed ad quocumque tempus extenduntur, uti latè probant Panciroli. *consil. 175. per tot. Gratian decis. 22. per tot. Ciarlin. controvers. lib. 2. cap. 143. per tot.* cùm improbabilis sit, & sensui Ecclesiæ repugnans nonnullorum Theologorum assertio, quod Ani-

mæ non detineantur in Purgatorio ultra decem annos, vel ut alii dicunt ultra metam centum annorum *Bellar. controvers. tom. 2. lib. 2. de Purgatorio cap. 9.*

4 Insuper vox *Sæculum* non solum est apta nata ad exprimendum spatum centum annorum, sed etiam ad denotandum mundum juxta illud: *Venturus est judicare sæculum per ignem:* quo stante idem erit dicere durante sæculo, ac durante mundo.

## ARGUMENTUM.

Canonico adjecta lege à Fundatore in limine fundationis Canonici interessendi Divinis Officiis, ac lucrandi distributiones, prout intersunt, & lucrantur alii Canonici, an, & quando ipsi concedenda sit jubilatio?

## SUMMARIUM.

- 1 Jubilatio non fuit introducta à Jure Canonico, sed à statutis particularibus Ecclesiarum, vel consuetudine, & nu. 2. & 3.
- 4 Jubilatio ut concedatur Canonico constare debet de servitio quadragenario cum qualitate, continui, & laudabilis.
- 5 In computatione temporis quadragenarii an habenda sit ratio temporis, quo canonicus abfuit à servitio Ecclesiæ, obtentis absentiæ indultis, vel ex causa infirmitatis, vel ex causa studiorum, velut Ecclesia sua negotiis vacaret, vel ratione munerum. Et num. 6. 7. 8. 16. & 21.
- 9 Quadragenarium servitium an sufficiat, quod sit difforme, vel potius requiratur, quod sit uniforme. Et num. 10. 11. 12. 17. & 22.
- 13 An parvus Canonorum, vel Beneficiorum numerus pro servitio Ecclesiæ impedit valeat Indultum Jubilationis Canonico, vel Beneficiato? & num. 18. & 23.
- 14 Episcopus cogere potest Jubilatos ad interessendum, si Ecclesia servitium, & cultus Divinus detrimentum patiantur. & num. 19. & 24.
- 15 Canonicus Jubilatus non tenetur ad localem residentiam. & num. 20. & 25.

CA-